



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.10. Papa in Longobardia.

[urn:nbn:de:hbz:466:1-66091](#)

Sæcul. VIII.**A.C. 754.**

Itaque Chrodegangus & Auctarius
Romam pervenientes Papam accinctum
itineri, quod ad Regem Longobardorum
fuscipiebat, invenerunt.

§. X.*Papa in Longobardia.*

Nec mora, Pontifex Roma exedit die
decimo quarto Octobris, Indicio-
ne septima, anno septingentesimo qui-
quagesimo tertio multis Romanis, alia-
rumque urbium civibus inter largos fle-
tus comitantibus, & a proposito dimove-
re conantibus; cum viderent, quam ma-
gno periculo carissimus Pater, mala e-
tiam affectus valetudine, se exponeret.
Ipse in Deo confidebat, & gregem suum
S. Petri Patrocinio commendabat. Cum
jam non longe a Ticino abesset, milie
Rex, qui venientem monerent, ne in con-
spectum admissus petere auderet, ut Rex
Ravennam, Exarchatum, aliasve Impe-
rii Civitates a se vel Antecessoribus suis
occupatas restitueret. Respondit Papa;
nullis comminationibus absterreri se
posse, quin peteret. Ubi in Regia fuit,
ingentia dona Regi obtulit, instantissime
rogans, ut cuique, quod suum erat, re-
stitueret. At Aistulpho id constanter
abnuente, cum Legatus Constantinopo-
litanus idem peteret, juxta Papam nihil
obtinuit.

At

At Legati Regis Pipini apud Regem Sæcul. VIII. Aistulphum vehementer instabant, ne ^{A.C. 754.} Papam in Franciam prefecturum prohiberet. Rei novitatem miratus Aistulphus Papam vocat interrogatque, an in Franciam ire serio vellet. Papa ingenuo fatente, hanc profecitionem animo constituisse, Rex admodum offensus, misit ex suis aliquos, qui eum secreto a proposito abstraherent, sed tandem coactus est consentire, atque Papa Ticino abiit decimo quinto Nov. Indictione septima eodem anno 753. Georgio Episcopo Ostiensi, Wilcario Episcopo Nomentano, Presbyteris quatuor, Diaconis tribus & quibusdam aliis Ecclesiæ Romanæ Clericis eundem sequentibus. Postquam e Ticino jam excessisset, cum sciret, sibi a Rege insidias strui, ad Alpes, quæ Italiam a Francia dividunt, pervenire, quantum potuit, contendit, quas ubi tenuit, Gratias Deo egit, quod sibi securitatem præstisset.

§. XI.

Papa in Francia.

Iter suum strenue prosecutus Stephanus Papa ad Monasterium S. Mauritii Valisorum pervenit, quo Regem Pipinum etiam conventurum esse, præstitutum fuerat; sed postquam Papa aliquamdiu ibi expectasset, adsunt Fulradus Abbas

P 5.

Pala-

